

Mutu Bahasa China sentiasa dijaga

UM 22 NOV 1974
KUALA LUMPUR 21

Nov. — Kementrian Pelajaran sentiasa mengambil langkah-langkah tertentu untuk menjamin dan memastikan ketinggian mutu bahasa dan pengajaran Bahasa China. Demikian dinyatakan oleh Menteri Pelajaran Dr. Mahathir Mohamad ketika menjawab pertanyaan dari Encik Farn Seong Than (DAP-Sungai Besi) yang ingin tahu mengenai perkara itu.

Untuk maksud ini, katanya langkah-langkah berikut adalah diambil:—

● Matapelajaran Bahasa China adalah dijadikan matapelajaran peperiksaan penilaian darjah III dan darjah V di mana peperiksaan penilaian darjah III akan mendedahkan kelemahan-kelemahan yang terdapat pada murid-murid dan berdasarkan

kepada maklumat ini, mana-mana murid yang lemah akan diberi pelajaran imbuhan ini akan diuji di dalam peperiksaan penilaian darjah V.

● Kurikulum bagi pelajaran dan pengajaran Bahasa China di maktab-maktab perguruan telah disemak dan disusun semula untuk tujuan meningkatkan lagi mutu bahasa dan pengajaran Bahasa China.

● Nazir-nazir persekutuan sentiasa melawat ke sekolah-sekolah untuk mengkaji dan memberi nasihat di dalam hal berhubung dengan pelaksanaan pengajaran semua mata-pelajaran.

Menjawab pertanyaan lain dari Encik Lim Kit Siang (DAP-Kota Melaka),

Dr. Mahathir berkata Kementerian Pelajaran telah menerima memorandum itu dan telah merujuk perkara tersebut ke jawatankuasa tetap penilaian dan pengiktirafan kelayakan-kelayakan. Jawatankuasa ini sedang mengambil tindakan untuk memperolehi maklumat-maklumat lengkap untuk pertimbangannya, katanya.